

RÉSUMÉ KHUTBAH JUMMAH

PAR LAJNA IMA'ILLAH ILE MAURICE

*Pour tous commentaires ek suggestions, envoye nous ène email à l'adresse
ishaatlajnamu@gmail.com*

SOMMAIRE


L'apostasie
mérite-il la
mort ? 02

Ramadan et
les prières
éxaucées 03

Hadrat Abu
Bakr (ra) et
les apostats 04

La taqwa : le
but du
Ramadan 05

Conserver
l'esprit du
Ramadan 06



Après Khutbah Jummah du 8 avril 2022, Huzoor (aba) fnne lance ène nouveau website crée par MTA International. 313companions.org (click lor link la pou accède website la directement) basé lor ban khutbah de Huzoor (aba) lor ban Compagnons kine participe dans Bataille Badr.

Nous invite tous Lajna et Nasirat pou profite de sa website-là pou augmente nous connaissance InshAllah.

Après la mort du St Prophète (saw), presque tous Arabes ti apostasié, éna ki ti détourne dépi l'islam, éna ti p refuse paye Zakat. Certains érudits fine fer erreur en disant ki dans l'islam, punition pour l'apostasie c'est la mort et c'est pour ça ki Hadrat Abu Bakr (ra) ti fer jihad contre ban apostats et fine tuer zot à moins ki zot rétourne vers l'islam. Eski c'est réellement le cas ?

Ene apostat c'est kan ène dimoune écarte li de l'islam, li kit l'islam après ki li ti fine accepter. Dans plusieurs places dans Qur'an cause lor ban apostats mais à aukène moment, pa fine mentionne aukène type de punition pour ban apostats. En commentant sur chapitre 4 verset 138, Hadrat Mirza Tahir Ahmad (rh) dire :

« Si ène dimoune li vine ène apstotat, après sa li croire, après li pa croire, après li recroire dans l'islam, décision ki pou arrive li, li appartenir à Allah selmen ; si li mort dans ène état d'incroyance, certainement, li pou alle dans l'enfer. »

Ti éna ène bedouin ki ti prend bai'at, après sa li fine envie kit l'islam ek Madinah. Le St Prophète (saw) ine dire :

« C'est bien ki li fine aller. Li pa ti digne vive parmi ban musulmans. Allah même fine sépare li de nous. »

Si vrainem l'islam ti dire ki bizin impose la peine de mort à ban apostats, le St Prophète (saw) pa ti pou laisse sa bédouin la kit Madinah tranquille.

Mais kifer eski Hadrat Abu Bakr (ra) ti donne l'ordre pou tuer zot ? Kan nous guette l'histoire, nous trouver ki san ban dimoune-là pa ti selmen ban apostats mais ban rebelles ki ti p commette ban crimes atroces (persécution de ban musulmans, meutre ek pillage, envahir Madinah). C'est pour ça ki fine bizin fer la guerre, pou défendre ban musulmans et agir en accord avec le commandement coranique (42 : 41) :

« Et compensation ène tort li ène, pareil are ça-même [...] »

Par la Grâce d'Allah, nous p passe dans mois Ramadan, ène mois kot Allah accepter ban dua. De plus, Allah fine dir ki la récompense de celi ki jeûner c'est Allah Li-Même !

Allah dire : Mo écoute l'appel de Mo serviteur et Mo enchaine shaitan (pu ban ki garde roza). Chaque fois ki Satan pou attaque li, Mo pou protège li, pas selmen pendant Ramadan mais pou tous les temps, à condition ki li prier Moi et ki li obéir Mo ban commandements en permanence.

Le Messie Promis (as) dire :

« Celi ki laisse li aller dans la plus grande indifférence ek la plus grande paresse, li pas pou profite ban faveurs divines comparé à celi ki dévouer li corps et âme à Allah, ki use tous so ban facultés mentales, so la force ek so sincérité [...] »

Huzoor (aba) dire ki éna dimounes écrire moi pou dire ki zot fine fer boucoup dua mais zot pas fine atteindre zot objectif. Ban ki fer de tel déclarations bizin comprend ki ce n'est pas la faute d'Allah. Ban dimounes penser ki zot ban dua de haut niveau alors ki aux yeux d'Allah, zot bizin fer plus zefforts. Pou ki Allah accepter nous ban supplications, nous bizin change nou situation. Fer le jihad li essentiel. Peu importe combien létemps ça prend nou, nou bizin mène ça combat-la pou gagne la proximité et l'amour d'Allah. Dans Qur'an dire :

« Et banne ki litté pou Nou cause - certainement Nous Pou guide banne-là lor Nou banne simés [...] »

Fauder pas ki nou parmi ban ki fer boucoup namaz, actions ek zefforts dans chemin Allah dans Ramadan mais en dehors Ramadan, nous oublier Allah et ress plonger dans le matérialisme. Si tel est le cas, alors nous péna droit plaindre et dire ki Allah Promette l'exaucement de dua dans Ramadan et nous fine fer boucoup dua dans Ramadan mais nou dua pas fine accepter.

Hadrat Aisha (ra) dire :

« Kan mo papa fine vine Khalifa, au début même, li fine bizin fer face à l'insurrection, à campagnes de ban faux-prophètes et rébellion de ban apostats hypocrites. Ban grands malheurs fine tombe lor li assez pou ki ene montagne reduire en poussière mais Hadrat Abu Bakr (ra) ti éna la patience d'ène prophète. »

Hadrat Abu Bakr (ra) ti divise l'armée musulmane en onze batallions et fine poster zot kot ti éna ban rebelles. Ene partie de l'armée ti ress à Madinah pou protège les lieux et ène groupe de ban Compagnons agés ti présent pou conseille le Khalifa lor divers sujets.

Hadrat Abu Bakr (ra) ti écrire ène lettre adressé à tous ban Arabes kot li fine évoque le St Prophète (saw) comme étant l'envoyé d'Allah, ène porteur de bonnes nouvelles et comme avertisseur et après ki Rassool e Kareem (saw) fine accompli so mission, li ti bizin kit sa terre-la pareil couma tous dimounes bizin décéder. Mais conner ki Allah pou ress tout le temps Vivant.

Chaque chef des 11 batallions ti recevoir ène copie de sa lettre-la pou invite ban dimounes pou accepter le message délivré dans lettre-la. Hadrat Abu Bakr (ra) fine osi demande à so ban chefs de batallions pou agir avec droiture et remplir zot ban devoirs et essaye invite ban rebelles vers la foi mais si zot persister, prend zarmes et combatte zot a cause de ban crimes atroces ki zot fine commette.

Ban rebelles ti penser ki zot pou batte ban musulmans facilement mais Hadrat Abu Bakr (ra) fine dresse ban batallions bien organisé ki ti constamment en communication les uns avec les autres et avec le Khalifa et ainsi zot fine vaincre l'ennemi.

Le St Prophète (saw) in dire ki Roza c'est ene bouclier. Eski li suffisant ki nous garde Roza zis pour la forme ? Eski li suffisant ki nous prend Sehri gramatin et faire Iftaar asoir ? Eski quand nous prend sa deux repas-la, li suffit pou mettre nous derrière bouclier de Roza ? Biensur que non. L'objectif principal de roza, couma Allah fine dire, c'est gagne taqwa. Hadrat Massih Maoud (as) expliquer ki adopter taqwa veut dire ki nous protege nous-meme depi tous qualités pechés et mauvais kitchoses

Dans lizier Allah, nous famille ou caste pena oken valeur et personne pas pou sapper zis aköz li vinne depi ène famille noble. Le St Prophète (saw) ti dire a so tifi Fatima :

« Oh Fatima, pas bizin fière ki to tifi du Messenger d'Allah. Dans lizier Allah, to famille pena oken valeur. »

Si sa applique lor Fatima (ra), be qui statut banne lezot ena ? Hadrat Massih Maoud (as) ine dire ki nous pou gagne nous rang dans Aakhirat selon nous niveau de Taqwa.

Le Messie Promis (as) dire ki kan ène croyant gagne le succès, li conner ki ce n'est pas grâce à so ban propres compétences mais uniquement dû à Allah. Ene croyant montrer humilité mais par contre ène mécréant attribuer tout mérite à li-même et ça l'attitude-la conduire li lor le mauvais chemin. Celi ki donne Allah priorité, Allah pou donne li priorité en retour.

Huzoor (aba) dire ki tandis ki nou société p continuer tombe dans ban nouveau bassesses, ban Ahmadis bizin ress ferme dans zot la foi parski c'est l'Ahmadiyyat ki la véritable réponse pou ki nou société sorti dépi sa l'état-la. En fin de compte, ban promesses ki fine fer au Messie Promis (as) pou accompli ; c'est nous-même ki pou perdant si nou ban actions mènent nous en dehors portée de so ban enseignements.

Le St Prophète (saw) ine dire ki 5 namaz, ène après lot, ène Jummah ziska ène lot Jummah, et ène Ramadan ziska ène lot Ramadan, zot vine ène moyen d'expiation pou ban péchés ki nous finne commette dans sa intervalle-là, à condition ki nous abstenir de commette ban péchés et ki nous demande pardon.

Le Messie Promis (as) dire ki celi ki pas fer namaz, c'est comme si li p commette shirk. Li pa possible ki dimoune fer namaz ziss dans Ramadan. Ena dimoune ki fer namaz ziss kan ena problème, ou bien par pur obligation kot namaz vine ène rituel ki p accompli sans aukène émotion. Ena dimoune manque concentration dans namaz parski zot pas conscient des bienfaits de namaz ni ressenti plaisir en le faisant. Ena dimoune ki ale fer namaz ziss pou montrer lézot ou bien éna dimoune ki continuer commette péché malgré ki zot fer namaz.

Massih Maoud (as) dire ki boucoup dimoune fer namaz vit vit sans fer dua alors ki l'essence de namaz c'est dua. Li pa suffi récite ban dua ki fine prescrites, nous bizin suivre la pratique du St Prophète (saw) et nous demande dua dans nou propre langue.

Massih Maoud (as) dire ki ène lot façon pou conserve l'esprit du Ramadan c'est agir bien avec lézot. Kan nous trouve ène faiblesse dans ène dimoune, foder pas ki nous méprise la personne, au contraire, bizin fer dua pou li, couvert so faiblesse, agir avec gentillesse et essaye aide li. Ene véritable Jamaat pou former kan chacun pou agir avec gentillesse avec so prochain et sakène pou couvert faiblesses de l'autre.

Huzoor (aba) dire ki nous bizin constamment fer zeffort pou rapproche nous d'Allah à travers namaz, lire Qur'an, respecter droits lézot et établir l'unicité d'Allah. C'est sameme le but de la venue du Messie Promis (as). Si nous pa fine comprend ça, alors nou bai'at pa pou amène nou aukène bénéfice.

NOUS ENCOURAGE TOUS BAN LAJNA ET
NASIRAT POU SUIVE KHUTBA JUMMAH
EN DIRECT LOR BAN CHAINES DE LA
MTA

CLICK LOR BAN LINK EN BAS POU ACCÉDER
DIRECTEMENT

<http://www.mta.tv/live>

ou

<http://www.mta.tv/live-audio-only>

ou pou Android app

**[https://play.google.com/store/apps/details?
id=tv.mta.apps.muslimtv](https://play.google.com/store/apps/details?id=tv.mta.apps.muslimtv)**

ou pou iPhone app

**[https://apps.apple.com/us/app/mta-
international/id942619881](https://apps.apple.com/us/app/mta-international/id942619881)**

@lajnamu

